




Poex: 1246




2530


1869 11. 387











Frid. Zamell

EPIGRAMMATUM

Liber XIV.

Elbinge

Typis BODENHAUSIANIS
Anno M. DC. XLII.

Ad libellum.

EXi Epigrammaticæ bis septima cura librorum:
Ardua doctorum vade sub ora virum.
Sperne supercilium plebis non omnia doctæ.
Quisquis erit Vates integer, ille leget.
Antè domo nostri, cui sacrum es pignus, amici
Sistere, quàm volvat Te peregrina manus.

Excellenti Eruditissimoq; Viro,

Domino

DANIELI WISNERO Phil.

ac Medicinæ Doctori, Reip. Elbingen-
sis Archiatro, amico integer-
rimo S.

HTa habui semper, mi Wisnere, amicorum præ-
sentes obsequio & benivolentiâ, absentes aut ta-
les morte futuros memoriâ virtutis esse prose-
quendos. Etenim si hujus robore præsidioq; ful-
ta est bonorum amicitia, neq; cum vitâ eam de-
ponentium desinere debet vox, quæ illam coluerat. Qua-
propter cùm viris omnium ordinum præstantissimis inter ea,
officia, quibus sibi me devinctum habuere, observantiam, fi-
dem, amorem meum his litterariis monumentis sed absq; or-
dine testata voluissim; Tibi non in postremis meorum hæ-
renti libellum hunc, qui Epigrammatum decimus quartus est,
consecrandum duxi. Annum finiet decimum imminens Clusi-
us, cùm neq; legib; indiguit noster amor, nec correptione præ-
varicatio. Habes igitur his Saturnalibus, mi Wisnere, cùm Tui
in me animi voluntatisq; præconem, tum præsertim mei erga
Te candoris argumentum affectu sempiternum. Tuâ spon-
te referes quas vices à Te exigo. Id autem contendo, ut ama-
re pergas quàm diu vixeris. Sed ut vivas diutissimè, Illum ob-
secro, qui omnia largitur rectè precantibus. Dabam Elbin-
gæ XIV. Calend. Januarii anno s. n. M. DC. XLII.

Tui decoris

studiofissimus

Frid. Zamelius.

A 2

O mibi

Ad Excell: doctissimumq; virum
Dn. Daniele Wisnerum.

O Mibi jam decies pacto junctissime clavo,
Culmen amicorum Daniel Wisnere meorum,
Pars sincera mei totidemq; asserta per annos,
Cum stetit & velli licitis concordia punctis:

Qui cum venturas optem traducere menses
Venturasq; hiemes, donec nos separet una
Summa dies. Mibi nexa pie Tua dextera: Tuq; es
Confisus pietate mea. Levis ansa fuerunt
Phœbéæ geminis claræ virtutibus artes.
Prima salutifera venit Tibi laurea curæ:
Proxima Castalii est mea carminis. Exige Tecum:
Nî locus & thalami dederint affinia jura,
Deerant fœderibus causæ atq; exordia nostris.
Si cuiquam placui, non ultimus accipe testem
Æternæ fidei: quam si violaverit atas
Mortem eam, vincent mansuri funera libri.

De Illustrissimo Principe ac Domi-
no, Domino Gregorio, Duce Olsoliæ &c.
&c. &c. Poloniæ Cancellario, El-
bingam ingresso.

Dux Osolinus procûl alti culmine templi
Elatum pelagi viderat instar Habum.
Præsens immensos optabat cernere fluctus:
Præsentem stupuit mitior unda deum.
Inclite Dux, quo Te sensu quâ mente colamus,
Adspice; si brutæ Te venerantur aquæ.

Ad liberos suos.

N Ecce nec tunc verbis utere Latinis,
Gens mea, si voces negligis Argolicas.
Quicquid habet Latium, descendit origine Gracæ:
Optat & à solâ filia matre coli.
Nuper nescio quis Goth-Alani de grege Baldi
Dicturus tripodes dixerat Antipodes.

Villa agerq; M. M.

V illa gerit pictos excelsò in pariete campos:
Exhibet & pictas, quæ capiantur, aves.
Progredior, tueorq; suo sub munere silvas:
Ac variâ cultos Chloride sector agros.
Heic veras venamur aves, heic querimus umbras.
Pictorum tabulis sola fruatur hiems.

Fœnum cordon.

O Rerum domini cunis memorabile fœnum!
O quacumq; pates, nobile germen agri!
Demessum sub nostra venis vestigia: sed tu
Præbebas domino strata thorumq; meo.
Dum meditor pecori atq; homini quæ commoda præstes,
Sanctius esse nihil sentio flore tuo.

Spectabili Consultissimoq; viro Dn.
Matthiæ Critolao S. R. E.

S it mihi amicitiae Tecum, Critolæ, perennis
Vsus & in nobis se tueatur amor.
Fœdere se nostro victum fateatur Orestes:
Et doleat Strophio natus amasse minus.

A 3.

Post.

Posthabeant Strophium cumq; hoc Agamemnona Regem.

Secula post nostros exoritura dies.

Materiem justi quisquis tractabit amoris.

Ille Tuam inculcet Zameliq; fidem.

Sit qui usq; ad Gades dulcem comitetur amicum.

Panditur in nostras amplior ora vias.

Si quæ erit in fatis, Eoa cubilia Solis

Tecum Arabes ultra Taprobanenq; petam.

Omnia defugient nostros fastidia casus.

Exorsq; alterius non erit alter opis.

Cessit amicorum nexus sub fœdera mundi.

Proximus huic ipsi est integritatis honos.

Nil moror ingratas animis sine talibus auras.

Primus es in paucis Tu Critolæ meus.

Donec erunt illi, ne degam utcumq; beatus.

Deficiat vultum nulla procella Tuum.

Fama meis de Te respondeat integra votis.

Et votis videam Te superesse meis.

Hæc adeo, ut nōris quàm sit mihi vivere Tecum.

Dulce, atq; ut Tecum sit mihi dulce mori.

Vt nōris, cūm Te graviora tulisse liqueret.

Penè quoq; in casu me periisse Tuo.

In tenebriones.

Nihil agitis tenebriones pessimi:

Nec si cruentâ vos manu oleam stringitis,

Vti barbaro atteratis hanc vestigio

Vicina per rura, iidem in agro Drusidos

Licebit. Vt ne nesciatis improbi.

Non confita est nostra olea vestris calcibus.

Vos sorba delectant: nec illa vellimus.

Date copiam, ut nostris fruamur pausis.

Ad

Ad formosas.

Nubite formosæ: formam sua destruit ætas.
Trita satis ratio est. Nubite: major adest.
Christinæ faciem loculo spectate jacentis.
Quæ formâ cunctas vinceret, illa fuit.
Corrupta est varis; ut eum non nubere posset
Virgo pari, mortem invenerit in lacrumis.

Dn. Danieli Wisnero M. D.

Bene est profectò, nec potest jucundius
Wisnere quicquam accidere nostris auribus,
Quàm ed redactum esse os calumniantium
Audire, ut in nobis quod illi vituperent,
Nihil habeant præter cibum parabilem,
Et apparatus fugam dapalium,
Cymâ incoatas aut olivâ simplici,
Et absolutas pariter isdem frugibus
Virinsq; cœnas, sed (quod ipsum non negent)
Verba inter utilia atq; mores compares.
Quàm sint inepti, dixerint vel aucupes:
Qui pluris indicaverint ficedulas,
Si præstinet Wisnerus & Zamelinus.

Ad Cives suos.

O quoties dixi: comites prohibete Dianæ.
Absumit vestras turba canina dapes.
Sprevimus, ô cives, latâ genus indole nostrum:
Et patriæ (indignum!) sumine crevit Hylax.
Iam pueros Patresq; latrat, jam dente lacescit,
Baubantumq; coit tota caterva canum.

Ad

Ad Coelum.

Studium placendi multa perdidit *Vatum*
Ingenia, *Coeli*: ut plurimum joco lusu
Vulgum ambiunt *legentium*: quod ad *nervum*
Animiq; acumen, separant uti *casam*
Nucem. Sed ultra nos manus, sinus, aures
Popularium provehimur inciti sensu
Punctoq; trans mare incolentium terras.
Quorum parentes hoc fuere ter quinq;
Ante ampliusq; secula optimi *Vates*,
Quod esse nobis oppido licet paucis.
Quod judicant multi, *Poëta* nequaquam est.
Sunt aliud illi, aliudq; *sammiones* sunt.

Amor in nivibus.

Inventus puer est *Geticis* pastoribus inter
Argentis, ruerat quas fera bruma, *nives*.
Et genus & nomen quærunt: ait esse *Cupido*.
Mirantur valido membra rigere gelu.
Mirantur facis esse nihil, nihil ignis in illo.
Hic quoq; monstrari quo solet, arcus abest.
Tum sic questus *Amor*: Me *Iuno* extrusit *Olympo*,
Vt degam in *nivibus*, quaq; homo nullus amet.
Falsa fuit *Iuno*: sic vos dixistis *agrestes*:
His etiam in *nivibus* sunt *Tua* regna, puer.

De Cynthiâ.

Cynthia venturis ut sumtum parceret annis
Admonita est. *Magnas* *Cynthia* fregit opes.
Multa quidem dapibus, sed plura impendit amictu.
Non habet in paribus *Cynthia* veste parem.

Tunc

*Tunc erit offa satis; tunc, inquit, sordida cyclas,
Cum fuero, quod dī ne dederitis, anus.*

De Ricciâ.

Arsit in Antiphilo, desponsa est Riccia Marco.
Condidit octavo Riccia mense virum.
Non intestati ditata est morte mariti:
Nunc facta Antiphili est uxor, amata diu.
Causa subest facto: Antiphilo quod carior esset
Riccia, venata est pasceolum pithisici.

De Bataviæ insulâ.

Parva licet sociæ suffecerat insula Romæ,
Cum gererent Latii Teutona bella duces.
Sape recens Batavâ steterat virtute triumphus:
Nunc gemino Batavus concitat arma polo.
Si qua fuit Xantho aut Simöenti gloria parvo,
Plus Mosæ plus Rheni cornua laudis habent.

Reginaldo Hogitio.

Fugisti patriam mala Reginalde perosus
Illa, quibus Civem Martia turba premit.
Fugisti ob Christum sola non Tua. Gloria certè
Major ab hac causâ est, perniciesq; minor.
Dum favet ille Tibi quocumq; sub Orbe repertus,
Virtuti superest omnis in Orbe locus.

Ad Comites noctu.

Astra silent, cœliq; jubar sub nocte profundâ est,
Inq; suos abiit arida Luna thoros.

B

Distra-

Distrahimur fatuis salebroso tramite flammis?

At nobis, Comites, ista tenenda via est.

Nusquam lucifero, socii, defleſcite cornu.

Ad tenues ſpes eſt noſtra redacta faces.

Abuſus Orationis, ut vocant,

Dominicæ.

P*roſanus ille, ne quid amplius audiat,
Qui primus auſus hoc precum compendio,*

Quo ſuppliees rerum Parenti ſiſtimur,

Arctare puncta temporum, ſic cernere:

In hac precatuum hæſeris dum formulâ,

Conſiet illud, fiet illud alterum.

Adeon? vel hujus mominiſ finitio

Deeſt alia noſtris inſtitutis? Impium eſt,

Abuſus eſt, & vocis uſurpatio,

Veneficarum qualis inter murmura,

Sunt inter & valla ætuum & capedines

Horarum ab integris relicto ſeculis

Vocabulo. Atq; ſaniores Ethnici

Hanc morulam amuſſim ut explicent, Uſq; admodum.

Fac, inquiunt, dum quinque numeres quinquies.

In Proſodiam Germanicam Præſtan-

tiſſimi viri juvenis Iohannis Petri

Titii.

S*ucceſſit Grajiſ Romana potentia rebus:*

Hinc habuit ritus, jura, theatra, metrum.

Succeſſit Latii victrix Germania rebus:

Et Latii accepit cuncta, ſed. abſq; metro.

Omnia.

*Omnia quæ Romæ fuerant, ut Teutonís essent,
Ultima lex metri traditur à Titio.*

Tyranni.

Nube vacat cælum: lux est nitidissima Phœbi.
Redditur asperior quæ modò cepit hiems.
Ista tyrannorum facies est, ista malorum.
Nam visi totâ fronte favere nocent.

De Medicis.

Hæc ego de Medicis fabor: genus esse deorum.
Phœbus eis genitor, mater Hygæa fuit.
Ipsi herbas nôrunt, ac quo sint tempore lectæ:
Et metuunt succis pluribus esse graves.
Noxia permittunt, si non his abstinet æger:
Ne cibus in noxâ sit tamen, arte cavent.
Nec facies illis austera, nec aspera vox est.
Sæpe manu præeunt, alloquiog, juvant.
Si quid ego experior: languentia corpora tales
In reditu Medici non habuere diu.

De Schnurfio.

Insulsus est & sordidus novendecim.
Ecclesiastes rusticorum Schnurfius.
Ad Optimates Urbis atq, Præsides
Quoties venit, vix digitulo levat apicem: Sed succutit, sed expen-
Fædumq, tendit indicem cum pollice: tur si hæreat.
Ac nescio quid murmurans in nodulos
Et mundiores vestium lacinias
Proiectat omnium, quibus amat unice
Placere; fodicat, scalpit, urit, vellicat:

Hoc rumpit illud inquinat, studia atq; opem
Persuasus involasse sustinentium.
Et familiarum matribus molestus est,
In ædium si fortè prothyro offenderit
Bellus saluator: tenellas corripit
Et unguium rigore mulcet dexteras
Fracturus imprudenter os vel tendinem.
Tum morbidum à cophino minatur hædulum,
Aut casea offert olida nauseantibus,
Partes ut aliquas apud herum sibi impetrent.
Rogavit unus è meis tribulibus,
De Schnurfio quid sentiam clientulo:
Pecus est, ut alia, reddidi, nisi quodd sacrum est.

Ad Corneliam.

Formosa es: negat hoc nemo Cornelia. quid tum?
Dos ea corrumpi crasq; perire potest.
Dives es, & patriis opibus Cornelia polles.
Perdere eas hodiè fors inimica potest.
Vidi ego formosàs: nec erant sine divite censu.
Sunt illæ, quod Tu cras potes esse, nihil.

Poculum stanneum.

Diximas è stanno jucundi dona Lyæi.
Est suus in testâ quâlibet iste deus.
Sit decus argento: sit in hoc mihi digna supellex.
Hoc quod cum numo eudisur opto pecus.
Quisquis ab aurifabrâ sumpsisti vasa tabernis;
Rem reputa, toto est summa triente minor.

Carinus & creditores ejusdem.

Solvere

Solvere damnatus contraxit mille Carinus:
Chirographo carvit pignoribusq; soli.
Tota coactori numerata est uncia: binas
Causidicis, scribis, iudicibusq; dedit.
Prædia nunc vendit villam subeunte ruinâ:
Sexcenta ex omni præco redegit agro.
Præco trahit partem, crevitq; usura moranti:
Tercentum è totâ sorte Carinus habet.
Hoc superest, ultraq; nihil quoolvere possit.
Huic, qui crediderat, plus nocuere mora.

De Glaphyrâ.

Ædibus angustis habitat Marcellus, in amplis
Vlpus: & Glaphyras ambit uterq; thorum.
Integra Marcelli fama est: quam perdidit alter.
Eligit hunc cupide vana puella virum.
Sic Glaphyra expedit: Vivendum est commoda sedes:
Attinet extinctos morte, fuisse pios.

De Venere.

Aeta columbinis Amathuntia venerat alis
Ad Scythiæ fontes & glaciale fretum.
Protenus astrictas vestigia flexit ad undas:
Sed retulit tenerum frigore mota pedem.
Risit Amor, tamen orta mari mea mater es, inquit.
At minime Scythico, reddidit illa, mari.

Dn. D. Wisnero.

Et potes octo dies nobis, Wisnere, negari,
Et potes in primis partibus esse meus?
Nos mala substilli, febrium nos querquera vexant
Frigora: nos febrium torridus ardor habet.

Præ-

*Prætereo morbos: ad fœdera nostra revertor.
Quò dextræ atq; aræ, si jacet illa fides?*

De Macello & Tomaculo.

*Q*uam delicatum est! tamen idem durissimum
Martyrium habet Macellus illo Dalmatâ
Philippomastige ortus, ac purissimæ
Confessionis osor: ab ephebis piâ
Manu foveri gentis extera: Scholis
Immitti, & artibus instrui domi ac foris:
Sic liberaliter habitum templis, choro,
Sacraeq; cathedræ præfici: lectissimo
Connubio, pecuniis, agro, domu
Beari: at unicum vetari, quod neg
Viri est probi, ne voce turbas excitet.
Civem Macellus ipse concitaverat
Iussus tacere, quod libello disputat.
Et liber, & hic qui scripserat, proscriptus est.
In Cinglio, qui militares copias
Secutus est, tamtopere quod reprehenderet
Non habuit ille carcinoma Delphicum
Tomaculus, qui sexies hinc septimum
Lapidem abluit rivo suarum rupium;
Si classicum, sed ô bene inter rancidas
Aniculas subinde canit, in Glaucidos
Fundo sibi suiq; paribus graculis
Hac buccinâ interdictum, & in confessibus
Post Curiarum collocari Præsides
Secus ac in Illyriaste congrege, ut eloquar
Ut res relata est, questus haut sine lacrimis.

O exeat

O exeat modestiorum finibus
Et hic Macell^o cum suo Tomaculo.

Amor in Getis.

Prope, quid in nostro meditaris littore regnum?
Ignorat Veneris frigidus axis opes.
Sic Veneris puero Geticas complexa paludes
Tethys: at hæc mollis dicta reponit Amor.
Redde mihi, quodcumq; meo Tibi munere venit;
Quid dices Getico, Tethy, sub Orbe Tuum?

In Ollum.

Olle, quod ingenium subolent mea scripta Poëtam?
Quisq; Tibi non est, hic vigor Olle mihi est?
Discrimen gemini fecere Cupidinis ignes.
Castus amor meus est, fœda libido Tua est.
Quisquis ad obscœnæ Veneris descendit amorem,
Nil animi Vates liberioris habet.
Magna quidem possunt vos Olle exempla tueri:
Sed nihil ad nostros nox facit illa dies.
Peccârunt ipsi Veneris sub Numine Reges:
Di quoq; si vera est fama, fuere rei.
Sunt nobis alia Nemeses: pueriq; docemur;
Hoc quod Tu Tecum concipis, esse nefas.
Id patras illumq; times, quo vindice nescis
Et scelus & testem dissimulare Tuum.
Præsidium nihili est, quod de foris Olle requiris,
Ex quo dejecit Te Tua causa domi.
Hoc Olle ingenuo distabunt Vate Poëtæ,
Qui Tecum ingenium non habuere meum.

De Quinctiâ.

Nosse meam genesin cum vellet Quinctia, meq;
Illecebris captum crederet esse suis;
Hic deus, hoc supra quod Quinctia conspicis astrum;
Hic genus est, dixi, Sol genitorq; meus.
Quinctia subjecit: Res attinet illa Poëtas:
Qui verè genitor sit Tuus, ede mihi.
Vno censerì satis est patre, Quinctia. Namq; &
Pellæo satis est unum habuisse, Iovem.
Agnatus meus est, domiti cui laurea mundi est.
Quod Taurum atq; intra est Ismara, jure meum est.
Hæc cum differerem, nunc est trigesimus annus:
Virgoq; de populo non erat illa meo.
Ficta puellarum paribus suspiria nugis
Duximus: & mansit virginitatis honor.
Quinctia jactabat patrem bis terq; Tribunal:
Cerdonem tacuit, quo pater ortus erat.

Collegium calumniatorum.

Scurrarum salvete duces. Si digna locuti
Estis, & in vestris non est sermonibus insons,
Quid subito stupuistis in alta silentia missi?
Vos ipsi numerus, balatrones, & fatuum frit,
Stercora non homines, & adultera turba vicissim,
Aut ita lenones, quoniam licet. Omphate, Tu qui
Maximus in scurris, nebulonum mitte cohortem,
Aut Tibi constituent centum vadimonia læsi.
Non solus traducor: & in majora ruiſtis
Nomina sed solum nocuis à tergore telis.
Si quod es, hoc audire leve est, circumspice virgas
Licitorum, & visis linguam preme verbero loris.

De Harpio.

IN Ismara atq; ab Ismaris tr. ns Axiū.
Lelegas & hinc Phryxēa superans littora
Antandron i veram: inde Tmolo constiti.
In fabulosum transiturus Caucasum.
Id somnium fuit, ubi nocte quiescerem.
Sunt qui ubi Hyperion æthere est altissimus;
Vigilant, obambulant, simulq; dormiunt.
Herè centies millena habebat Harpius:
Habebat ades, & manum atriensium,
Habebat arva & copiam nemorensium:
Bibebat ære, quo Midas & Attalus.
Hodie incolarum est omnium pauperrimus.
Vt crederes merum fuisse somnium;
Ista emit omnia, quando Paulli divitis
Hæreditatem, cui suus nunc extitit.
Spe devorasset credulus rumoribus,
Paulli perisse filium vulgantibus.
Advenit hic, agnatus ergò exclusus est.
Nil solvet Harpius nec usus commodè.
Est omnium sine fraude restitutio.

De Mathone.

SEX Matho convivæ ad cœnam manè vocârat:
Ac cœnæ leporem dixerat esse caput.
Vt venêre viri, surdos vidêre penates,
Cimmeriumq; habuit tota culina malum.
Inclamatur berus: Siluêre hominesq; canesq;
Vix tandem è latebris prodiit ipse Matho.
Quot sumus, inquit, erant totidem mihi totq; columbæ:
Sint sine felle, meos destituêre focos.

*Ecce cocus firmis spatium concesserat alis,
Libera cum Paphias aura recepit aves.
Quid lepore est factum? quærunt. Matro reddidit illis:
Invenit pennas non minus ipse lepus.*

Iurisconsulti barbari.

Iustinianus fuerit, aut quod proditur,
Tribonianus cum Theophilo illo altero.
Legum ferendarum triumviro simul
Dorotheo in ipsis tertio, qui jus fori
Optavit uno conspici volumine
Conatus illud assequi, quàm falsus est!
Quàm frivole optimos Quiritum antistites
Viventium numero expulit! non ausus hoc
Tam grande facinus, si putasset barbaros
Tot prodituros Vlpiani interpretes.
Non explicant, sed inquinant: dein furfures
Rotâ gemente subvehunt in publicum,
Visnere, tot sunt leguleji pessimi,
Virace quot de seminario exeunt
Lumbrici ab alvo tenerioris pupuli.
Iustianus Imperator maximus
Novisset illud Themidos infestum genus,
Cum matribus propaginem deleverit:
Cum Vandalis ipsos triumphans duxerit:
Post Vandalos titulis suis asciverit.

De Sthenelo, & Enocho Medico.

Æ Grotat Sthenetus: mulcet bona turba jacentem,
Quæ sexu & vultu est, quod Cytheræa fuit.
Vidit eum Medicus, nec vidit signa doloris:
Vidit, cum Veneres vina cibumq; darent.

DI date, qui Medicum fieri voluistis Enochum;
Tam malè, quàm Sthenelos, sit mihi semper, ait.


Sub prælo erat libellus hic, cùm commo-
modùm traditæ sunt literæ Iohannis Petri Titii juve-
nis doctissimi unà cum Epigrammate ejusdem in Famam
Almesiaæ Zamelianæ. Quod, quia spatium superat,
hoc loco acceptum est.


Felix Almesia es, cui tot concesserat uni
Naturæ favor, & cœli indulgentia dotes!
Digna Deâ facies, & honestæ gratia formæ.
Quâ multum fueras cunctis prælata puellis,
Longè animo cessere Tuo, minimumq; fuerunt:
Quod famam & tantos Tibi conciliarvit honores.
Ingenii vis mira Tui, morumq; venustas,
Tum pietas, castaq; in sancto pectore flammæ,
Queis solam ardebas virtutem, & inania rerum
Sprevisti excelsò calcans pede, DIVA, triumphos.
Tot peperere Tibi, cœliq; in parte locarunt.
Adde, quodd egregiis animum coluisse Minervæ
Artibus (in vestro quæ rara est gloria sexu)
Totq; loqui linguis, monumentaq; docta virorum
Quos Latium tulit insignes & Gracia mater,
Pervigili voluisse manu; tum scribere posse
Digna cedro, & versu doctis certare Poëtis;
Tantum Te reliquas evexerat ante puellas,
Quantum sidereos inter pulcerrimus ignes
Lucifer effulget, cœlo cùm surgit Eo.
Felix Almesia es: quis tot neget esse beatam
Dotibus? Hæc fateor: sed si mea dicere sensa


Fas erit, & sanctas vox hæc descendit ad Umbras,
 Elysiosq; locos penetrat; me iudice solis,
 Nympha, Tui Vatis flammis & amore Zameli
 Postera Te verè felicem secula dicent.
 Omnibus his, quæ Te Divarum sanguinis unam
 Ostendère, Bonis eadem, quæ stamina vitæ
 Heu nimium festina Tibi, Pulcherrima, rupit.
 Injēctura manum Lachesis ferrumq; fuisset:
 Quicquid in Almesia fuit admirabile, cespes
 Conderet exiguus, Tecumq; ò Nympha sepultum.
 Altâ nocte foret, sacro si Vate careres.
 Ille suam Almesiam lethæis eripit undis,
 Et Tua perpetuis commendat Nomina Fastis.
 Cum legimus magni dulcissima carmina Vatis,
 Qualia Cyrrhæus paucis inspirat Apollo,
 Te DIVA & dotes animi, sanctumq; pudorem,
 Virtutesq; Tuas legimus, veneramur, amamus.
 Felix Almesia es: nihil in Te livida Clotho
 Iuris habet: superas majorq; ex funere surgis.
 Te vivam nuper scotem cecinere Poëtæ:
 Centum post obitûs alii Tibi plectra movebunt.
 Vos ò formosæ Phæbo gens grata puellæ,
 Discite divinos monita non temnere Vates:
 Quorum si qua pium virtute meretur amorem,
 Vivet & æternum memori cantabitur ævo.


Johannes Petrus Titius.


















Biblioteka Jagiellońska

514700195523

